

漢魏六朝百三家集

漢

司馬文園

第貳冊

EAST ASIAN LIBRARY
RM 8019 ROBARTS LIBRARY
UNIVERSITY OF TORONTO
TORONTO, CANADA M5S 1A5

何國文園集

司馬文園集

頁一

司馬文園集

司馬文園集題辭

梁昭明太子文選登采絕嚴獨於司
馬長卿取其三賦四文其生平壯篇
畧具殆心篤好之沉湎終日而不能
舍也太史公曰長卿賦多虛辭濫說
要歸節儉與詩諷諫何異余讀之良

然子虛上林非徒極博寔發於天材
楊子雲銳精揣鍊僅能合轍然疎密
大致猶漢書於史記也美人賦風詩
之尤上掩宋玉蓋長卿風流誕放深
於論色卽其所自叙傳琴心善感好
女夜亡史遷形狀安能及此他人之

賦賦才也長卿賦心得之於內不
可以傳彼魯與盛長通言之歌合組
賦列錦均未喻耳獵獸獻書長揚志
直馳檄發難巴蜀竦聽慕蘭生之渾
池跨唐蒙於絕域赤車駟馬足名丈
夫抑其文皆賦流也生賦長門沒留

封禪英主怨后思眷不忘豈偶然乎

婁東張溥題

司馬文園集目錄

賦

子虛賦

上林賦

大人賦

長門賦

美人賦

哀二世賦

書

司馬文園集 目錄

諫獵書

報卓文君書

檄

諭巴蜀檄

難

難蜀父老文

符命

封禪文

歌

琴歌二首

附錄

本傳

司馬文園集目錄終

司馬文園集卷全

漢蜀郡司馬相如著

明太倉張溥閱

賦

子虛賦

楚使子虛使於齊齊王悉發境內之士備車騎
之衆與使者出畋畋罷子虛過詫烏有先生而
亡是公存焉坐定烏有先生問曰今日畋樂乎
子虛曰樂獲多乎曰少然則何樂對曰僕樂齊

王之欲誇僕以車騎之衆而僕對以雲夢之事也曰可得聞乎子虛曰可王駕車千乘選徒萬騎畋於海濱列卒滿澤罟網彌山掩兔麟鹿射麋腳麟驚於鹽浦割鮮染輪射中獲多矜而自功顧謂僕曰楚亦有平原廣澤遊獵之地饒樂若此者乎楚王之獵孰與寡人乎僕下車對曰臣楚國之鄙人也幸得宿衛十有餘年時從出遊遊於後園覽於有無然猶未能徧觀也又焉足以言其外澤者乎齊王曰雖然畧以子之所

聞見而言之。僕對曰。唯唯。臣聞楚有七澤。嘗見其一。未覩其餘也。臣之所見。蓋特其小小者耳。名曰雲夢。雲夢者。方九百里。其中有山焉。其山則盤紆。峩鬱。隆崇。畢萃。岑崟。參差。日月蔽虧。交錯糾紛。上干青雲。罷池陂陀。下屬江河。其土則丹青赭堊。雌黃白垩。錫碧金銀。衆色炫燿。照爛龍鱗。其石則赤玉玫瑰。琳璿昆吾。城玦玄厲。磈石砢砢。其東則有蕙圃。衡蘭。茝若。射干。芎藭。菖蒲。江蘺。蘼蕪。諸柘。巴苴。其南則有平原。廣澤。登

降陟靡案衍壇曼緣以大江限以巫山其高燥則生葳薢苞荔薜莎青蘋其埤濕則生藏蓂蒹葭東牆彫胡蓮藕菰蘆菴藺軒于衆物居之不可勝圖其西則有湧泉清池激水推移外發芙蓉菱華內隱鉅石白沙其中則有神龜蛟鼉瑇瑁鼈黿其北則有陰林巨樹梗枿豫樟桂椒木蘭檉離朱楊楮梨棗橘柚芬芳其上則有赤猿獼猴鵪雛孔鸞騰遠射干其下則有白虎玄豹蝮蜒貍狌於是乎乃使專諸之倫手格此獸

楚王乃駕馴駁之駟。乘彫玉之輿。靡魚鬚之橈。旃曳明月之珠旗。建干將之雄戟。左烏號之彫弓。右夏服之勁箭。陽子驂乘。熾阿爲御。案節未舒。卽凌狡獸。蹙蛩蛩。躡距虛。軼野馬。轉駒駟。乘遺風。射游騏。倏眴倩。淵雷動。焱至。星流霆擊。弓不虛發。中必決眚。洞胸達掖。絕乎心繫。獲若雨獸。揜草蔽地。於是楚王乃弭節徘徊。翱翔容與。覽乎陰林。觀壯士之暴怒。與猛獸之恐懼。徼執受譴。殫覩衆物之變態。於是鄭女曼姬。被阿緌。

揄紵縞雜織羅垂霧縠襞積縐紆徐委曲鬱
橈谿谷粉粉袈袈揚袍戍削飛襪垂髻扶輿倚
靡翕呬萃蔡下摩蘭蕙上拂羽蓋錯翡翠之葳
蕤繆繞玉綬眇眇忽忽若神仙之髣髴於是乃
相與獠於蕙圃嫫嫫勃率而上乎金隄揜翡翠
射殷蟻微矰出織繳施弋白鵠連駕鵞雙鷁下
玄鶴加怠而後發游於清池浮文鷁揚旌拽張
翠帷建羽蓋網璫珣鉤紫貝挺金鼓吹鳴籟榜
人歌聲流唱水蟲駭波湧沸涌泉起犇楊會磊

石相擊。硠硠磕磕。若雷霆之聲。聞乎數百里之外。將息獠者。擊靈鼓。起烽燧。車案行。騎就隊。纚乎滛滛。般乎裔裔。於是楚王乃登雲陽之臺。泊乎無爲。澹乎自持。勺藥之和。具而後御之。不若大王終日馳騁。曾不下輿。將割輪焮。自以爲娛。臣竊觀之。齊殆不如。於是齊王無以應僕也。烏有先生曰。是何言之過也。足下不遠千里。來貺齊國。王悉發境內之士。備車騎之衆。與使者出田。乃欲戮力致獲。以娛左右。何名爲夸哉。問楚。

地○之○有○無○者○願○聞○大○國○之○風○烈○先○生○之○餘○論○今○
足○下○不○稱○楚○王○之○德○厚○而○盛○推○雲○夢○以○爲○高○奢○
言○淫○樂○而○顯○侈○靡○竊○爲○足○下○不○取○也○必○若○所○言○
固○非○楚○國○之○美○也○有○而○言○之○是○彰○君○之○惡○無○而○
言○之○是○害○足○下○之○信○彰○君○之○惡○而○傷○私○義○二○者○
無○一○可○也○而○先○生○行○之○必○且○輕○於○齊○而○累○於○楚○
矣○且○齊○東○渚○鉅○海○南○有○琅○邪○觀○乎○成○山○射○乎○之○
罍○浮○渤○澥○遊○孟○諸○邪○與○肅○慎○爲○鄰○右○以○暘○谷○爲○
界○秋○田○乎○青○邱○徬○徨○乎○海○外○吞○若○雲○夢○者○八○九○

於其胸中。曾不蒂芥。若乃俶儻瑰瑋。異方殊類。
珍怪鳥獸。萬端鱗萃。充牣其中者。不可勝記。禹
不能名。商不能計。然在諸侯之位。不敢言游戲。
之樂。苑囿之大。先生又見客。是以王辭而不復。
何爲無以應哉。

上林賦

亡。是公听然而笑曰。楚則失矣。而齊亦未爲得
也。夫使諸侯納貢者。非爲財帛。所以述職也。封
疆畫界者。非爲守禦。所以禁淫也。今齊列爲東

藩而外私肅慎捐國踰限越海而田其於義固
未可也。且夫二君之論不務明君臣之義正諸
侯之禮徒事爭遊戲之樂苑囿之大欲以奢侈
相勝荒淫相越此不可以揚名發譽而適足以
貶君自損也。且夫齊楚之事又烏足道乎。君未
覩夫巨麗也。獨不聞天子之上林乎。左蒼梧右
西極丹水更其南紫淵徑其北終始灞滻出入
涇渭。鄠鎬潦潢紆餘逶迤經營乎其內蕩蕩乎
八川分流相背而異態。東西南北馳騫往來出

乎椒邱之闕，行乎洲淤之浦，經乎桂林之中，過
乎泱泱之野，汨乎混流，順阿而下，赴隘峽之口，
觸穹石，激堆埼，沸乎暴怒，洶涌滂湃，澤沸瀉汨，
偪側泌瀨，橫流逆折，轉騰激冽，滂濞沆漑，穹隆
雲橈，宛渾膠戾，踰波趨浥，莅莅下瀨，批巖衝擁，
犇揚滯沛，臨坻注壑，灑潏竇墜，沈沉隱隱，砰磅
訇礚，潏潏淢淢，潏潏淢淢，潏潏淢淢，潏潏淢淢，
悠遠長懷，寂寥無聲，肆乎永歸，然後灝漭潢漾，
安翔徐回，翺乎潢潢，東注太湖，衍溢陂池，於是

乎蛟龍赤螭、鯢鱮漸離、鰕鰖鰾魴、禺禺魼魴、捷
鰭掉尾、振鱗奮翼、潛處乎深巖、魚鼈謹聲、萬物
衆夥、明月珠子的皪、江靡蜀石黃磈、水玉磊砢、
磷磷爛爛、采色滢汗、叢積于其中、鴻鸕鵒鴝、鴝鴝
鶩屬玉、交精旋目、煩鶩庸渠、箴疵鵠盧、群浮乎
其上、沈滢泛濫、隨風澹淡、與波搖蕩、掩薄水渚、
唼喋菁藻、咀嚼菱藕、於是乎崇山矗矗、巖嵒崔
嵬、深林巨木、嶄巖參差、九峻截嶭、南山峩峩、巖
陁、甌窳、摧峩峩、峩峩、振溪通谷、蹇產瀟瀟、豁呀豁

閉阜陵別鳴，歲鬼崑鹿，邱虛堀曩，隱麟鬱嶸，登
降陟靡，陂池驛豕，沈溶滢鬻，散渙夷陸，亭臯千
里，靡不被築，掩以綠蕙，被以江蘼，粦以薜蘿，雜
以菑夷，布結縷，橫戾莎，揭車蘅蘭，橐本射干，茈
薑、蓼、荷、葳、橙、若、蓀、鮮、支、黃、礫、蔣、芋、青、蘋、布、濩、閔、
澤、延、蔓、太、原、麗、靡、廣、衍、應、風、披、靡、吐、芳、揚、烈、郁
郁、菲、菲、衆、香、發、越、盼、蜚、布、寫、晻、夢、呖、弗、於是乎
周覽泛觀，縝紛軋芴，芒芒怳忽，視之無端，察之
無涯，日出東沼，入乎西陂，其南則隆冬，生長涌

水躍波其獸則獐旌獬獫沈牛麀麀赤首園題
窮竒象犀其北則盛夏含凍裂地涉冰揭河其
獸則麒麟角端駒駼橐駝蛩蛩驪驥馱驢騾
於是乎離宮別館彌山跨谷高廊四注重坐曲
閣華棖壁璫輦道纚屬步櫚周流長途中宿夷
峻築堂累臺增成巖窈洞房俯杳眇而無見仰
攀櫟而捫天奔星更於閨闥宛虹拖於楯軒青
龍蚴蜥於東廂象輿婉蟬於西清靈囿燕於閼
館偃佺之倫暴於南榮醴泉涌於清室通川過

於中庭、盤石振崖、嶽巖倚傾、嵯峨嶸嶸、刻削崢
嶸、玫瑰碧琳、珊瑚叢生、璿玉旁唐、玢幽文鱗、赤
瑕駁犖、雜插其間、鼉采琬琰、和氏出焉、於是乎
盧橘夏熟、黃甘橙棗、枇杷橪杮、棃柰厚樸、棗
楊梅、櫻桃蒲萄、隱夫萸棣、荅遯離支、羅乎後宮、
列乎北園、貽邱陵、下平原、揚翠葉、抗紫莖、發紅
華、垂朱榮、煌煌扈扈、照曜鉅野、沙棠檉櫚、華楓
枰櫨、畱落胥邪、仁頻并閭、欒檀木蘭、豫章女貞
長千仞、大連抱、夸條直暢、寔葉葭、櫨攢立叢倚、

連卷欒、佹崔錯、癸骹、坑衡、問珂、垂條、扶疎、落英、
幡、纚、紛、溶、箭、蓼、猗、柎、從風、瀏、莅、岌、歛、蓋、象、金、石、
之聲、管、籥、之音、傑、池、芷、虎、旋、還、乎、後宮、雜、襲、纍、
集、被、山、緣、谷、循、坂、下、隰、視、之、無、端、究、之、無、窮、於、
是、玄、猿、素、雌、雌、攫、飛、蠅、蛭、蜩、蠓、獠、獠、胡、穀、蠅、棲、
息、乎、其、間、長、嘯、哀、鳴、翩、幡、互、經、天、矯、枝、格、偃、蹇、
杪、顛、踰、絕、梁、騰、殊、榛、捷、垂、條、蹕、希、間、牢、落、陸、離、
爛、漫、遠、遷、若、此、輩、者、數、百、千、處、娛、遊、往、來、宮、宿、
館、舍、庖、厨、不、徙、後、宮、不、移、百、官、備、具、於、是、乎、背、

秋涉冬、天子校獵、乘鏤象、六玉虬、拖蜺旌、靡雲
旗、前皮軒、後道遊、孫叔奉轡、衛公參乘、扈從橫
行、出乎四校之中、鼓嚴鑼、縱獠者、江河爲陸、泰
山爲槽、車騎雷起、殷天動地、先後陸離、離散別
追、淫淫裔裔、緣陵流澤、雲布雨施、生貔豹、搏豺
狼、手熊羆、足野羊、蒙鶡蘇、絝白虎、被斑文、跨野
馬、凌三峻之危、下磧歷之坻、徑峻赴險、越壑厲
水、推飛廉、弄獬豸、格蝦蛤、鋌猛氏、綃驪褭、射封
豕、箭不苟害、解脰陷腦、弓不虛發、應聲而倒、於

是乎乘輿弭節徘徊，翱翔往來，睨部曲之進退，
覓將帥之變態，然後侵淫促節，倏曼遠去，流離，
輕禽，蹙履，狡獸，轉白鹿，捷狡兔，軼赤電，遺光耀，
追怪物，出宇宙，彎蕃弱，滿白羽，射遊泉，櫟蜚遽，
擇肉而後發，先中而命處，弦矢分，藝殪仆，然後
揚節而上浮，凌驚風，歷駭茲，乘虛無，與神俱，蘭
玄鶴，亂昆鷄，遵孔鸞，促鵠鷄，拂翳鳥，捎鳳皇，捷
鷁雛，掩焦鵬，道盡塗殫，迴車而還，招搖乎襄羊，
降集乎北紘，率乎直指，晻乎反鄉，歷石關，歷封

轡過鳩鵲望露寒下棠梨息宜春西馳宣曲濯
鷁牛首登龍臺掩細柳觀士大夫之勤畧釣獵
者之所得獲觀徒車之所輔轡步騎之所蹂躪
人民之所蹈藉與其窮極蹙𡵓驚憚讐伏不被
創刃怖而死者佗他藉藉填阡滿谷揜乎彌澤
於是乎游戲懈怠置酒乎顓天之臺張樂乎膠
葛之寓撞千石之鐘立萬石之虞建翠華之旗
樹靈鼉之鼓奏陶唐氏之舞聽葛天氏之歌千
人唱萬人和山陵爲之震動川谷爲之蕩波巴

俞宋蔡淮南于遮文成顛歌族居遞奏。金鼓迭
起。鏗鎗闐鞀。洞心駭耳。荆吳鄭衛之聲。韶濩武
象之樂。陰淫案衍之音。鄢郢繽紛。激楚結風。俳
優侏儒。狄鞮之唱。所以娛耳目。樂心意者。麗靡
爛漫。於前靡曼。美色於後。若夫青琴宓妃之徒。
絕殊離俗。妖冶閑都。靚莊刻飾。便嬛綽約。柔橈
嫋嫋。嫵媚纖弱。曳獨繭之綸褱。眇閭易以戍削。
便姍嫵屑。與世殊服。芬芳漚鬱。酷烈淑郁。皓齒
粲爛。宜笑的皪。長眉連娟。微睇絲藐。色授魂與。

心愉於側。於是酒中樂酣。天子芒然而思。似若有亡。曰。嗟乎。此太奢侈。朕以覽聽餘閒。無事棄日。順天道。以殺伐。時休息於此。恐後世靡麗。遂往而不返。非所以爲繼嗣創業垂統也。於是乎乃解酒罷獵。而命有司曰。地可墾闢。悉爲農郊。以贍氓隸。墮墻填塹。使山澤之人得至焉。實陂池而勿禁。虛宮館而勿仞。發倉廩以救貧窮。補不足。恤鰥寡。存孤獨。出德號。省刑罰。改制度。易服色。革正朔。與天下爲始。於是歷吉日以齋戒。

襲朝服、乘法駕、建華旗、鳴玉鸞、游乎六藝之圃。
馳騫乎仁義之塗、覽觀春秋之林、射貍首、兼騶
虞、弋玄鶴、舞干戚、載雲罕、掩羣雅、悲伐檀、樂樂
胥、修容乎禮園、翱翔乎書圃、述易道、放怪獸、登
明堂、坐清廟、恣羣臣、奏得失、四海之內、靡不受
獲於斯之時、天下大說、向風而聽、隨流而化、勃
然興道而遷義、刑錯而不用、德隆於三皇、而功
羨於五帝、若此、故獵乃可喜也。若夫終日馳騁
勞神苦形、疲車馬之用、抗士卒之精、費府庫之

財而無德厚之恩。務在獨樂。不顧衆庶。忘國家之政。貪雉兔之獲。則仁者不由也。從此觀之。齊楚之事。豈不哀哉。地方不過千里。而圍居九百。是草木不得墾闢。而民無所食也。夫以諸侯之細。而樂萬乘之所侈。僕恐百姓被其尤也。於是二子愀然改容。逡巡避席曰。鄙人固陋。不知忌諱。乃今日見教。謹受命矣。

大人賦

世有大人兮。在於中州。宅彌萬里兮。曾不足以

少畱悲世俗之迫隘兮，竭輕舉而遠遊。乘絳幘
之素蜺兮，載雲氣而上浮。建格澤之長竿兮，總
光耀之采旄。垂旬始以爲慘兮，捭彗星而爲髣。
掉指橋以偃蹇兮，又旖旎以招搖。攬欂櫨以爲
旌兮，靡屈虹而爲綢。紅杏渺以眩湑兮，焱風涌
而雲浮。駕應龍象輿之螭畧兮，透麗兮驂赤螭。青
蚪之蚺螭蜿蜒兮，低仰天螭据以驕。驚兮訕折隆
窮，螭以連卷。沛艾赳螭仡以佻儼兮，放散畔岸。
驤以孱顏，踣躅輶輶。容以委麗兮，綢繆偃蹇。怵

與以梁倚糾蓼叫梟蹋以艤路兮茂蒙踊躍騰
而狂趨莅颯卉翕燦至電過兮煥然霧除霍然
雲消邪絕少陽而登太陰兮與真人乎相求互
折窈窕以右轉兮橫厲飛泉以正東悉徵靈圉
而選之兮郤乘衆神於瑤光使五帝先導兮反
太一而從陵陽左玄冥而右黔羆兮前陸離而
後濤湟廝征伯僑而役羨門兮屬岐伯使尚方
祝融驚而蹕御兮清氣氛而後行屯余車其萬
乘兮綵雲蓋而樹華旗使勾芒其將行兮吾欲

往乎南娛、歷唐堯於崇山兮、過虞舜於九疑、紛
湛湛其差錯兮、雜遝膠葛以方馳、騷擾衝蕏其
相紛拏兮、滂溟泱軋灑以林離、鑽羅列聚叢以
龍茸兮、衍曼流爛、疼以陸離、徑八竈室之砰磷
鬱律兮、洞出鬼谷之崑崙、嵬礧徧覽八紘而觀
四荒兮、竭渡九江而越五河、經營炎火而浮弱
水兮、杭絕浮渚而涉流沙、奄息總極、汜濫水嬉
兮、使靈媧鼓瑟而舞馮夷、時若夢夢將混濁兮、
召屏翳誅風伯而刑雨師、西望崑崙之軋沕洸

忽兮直徑馳乎三危。排閭闔而入帝宮兮。載玉女而與之歸。舒門風而搖集兮。亢烏騰而一止。低回陰山。翔以紆曲兮。吾乃今目睹西王母。矐然白首戴勝。而穴處兮。亦幸有三足烏爲之使。必長生若此而不死兮。雖濟萬世不足以喜。回車竭來兮。絕道不周。會食幽都。呼吸沆飧。殮朝霞兮。噍咀芝英兮。噉瓊華。媿侵溥而高縱兮。紛鴻涌而上厲。貫列缺之倒景兮。涉豐隆之滂沛。馳遊道而脩降兮。驚遺霧而遠逝。迫區中之隘。

陝兮舒節出乎北垠遺屯騎於玄闕兮軼先驅
於寒門下崢嶸而無地兮上寥廓而無天視眩
泯而無見兮聽悄恍而無聞乘虛無而上假兮
超無友而獨存

長門賦

孝武皇帝陳皇后時得幸頗妬別在長門宮
愁悶悲思聞蜀郡成都司馬相如天下工爲
文奉黃金百斤爲相如文君取酒因于解悲
愁之辭而相如爲文以悟主上陳皇后復得

親幸其辭曰

夫何一佳人兮步逍遙以自虞魂踰佚而不反
兮形枯槁而獨居言我朝往而暮來兮飲食樂
而忘人心嫌移而不省故兮交得意而相親伊
予志之慢愚兮懷真慤之懽心願賜問而自進
兮得尚君之玉音奉虛言而望誠兮期城南之
離宮脩薄具而自設兮君曾不肯乎幸臨廓獨
潛而專精兮天飄飄而疾風登蘭臺而遙望兮
神悅悅而外淫浮雲鬱而四塞兮天窈窈而晝

陰雷殷殷而響起兮。聲象君之車音。飄風迴而
赴閨兮。舉帷幄之檐檐。桂樹交而相紛兮。芳酷
烈之間閭。孔雀集而相存兮。玄猿嘯而長吟。翡
翠脅翼而來萃兮。鸞鳳翔而北南。心憑噫而不
舒兮。邪氣壯而攻中。下蘭臺而周覽兮。步從容
於深宮。正殿塊以造天兮。鬱竝起而穹崇。間徙
倚於東廂兮。觀夫靡靡而無窮。擠玉戶以撼金
鋪兮。聲嘈呖而似鐘音。刻木蘭以爲棖兮。飾文
杏以爲梁。羅丰茸之游樹兮。離樓梧而相撐。施

瑰木之樛棼兮，委參差以棟梁。時彷彿以物類兮，象積石之將將。五色炫以相曜兮，煥爛燿而成光。綴錯石之瓴甓兮，象璚琚之文章。張羅綺之幔帷兮，垂楚組之連綱。撫柱楣以從容兮，覽曲臺之央央。白鶴噉以哀號兮，孤雌跼於枯楊。日黃昏而望絕兮，悵獨託於空堂。懸明月以自照兮，徂清夜於洞房。援雅琴以變調兮，奏愁思之不可長。按流徵以却轉兮，聲幼妙而復揚。貫歷覽其中操兮，意慷慨而自邛。左右悲而垂淚

兮。涕。流。離。而。從。橫。舒。息。悵。而。增。欷。兮。蹠。履。起。而。徬。徨。揄。長。袂。以。自。翳。兮。數。昔。日。之。譽。殃。無。面。目。之。可。顯。兮。遂。頽。思。而。就。牀。搏。芬。若。以。爲。枕。兮。席。荃。蘭。而。茝。香。忽。寢。寐。而。夢。想。兮。魂。若。君。之。在。旁。惕。寤。覺。而。無。見。兮。魂。迢。迢。若。有。亡。衆。雞。鳴。而。愁。予。兮。起。視。月。之。精。光。觀。衆。星。之。行。列。兮。畢。昴。出。於。東。方。望。中。庭。之。藹。藹。兮。若。季。秋。之。降。霜。夜。曼。曼。其。若。歲。兮。懷。鬱。鬱。其。不。可。再。更。澹。偃。蹇。而。待。曙。兮。荒。亭。亭。而。復。明。妾。人。竊。自。悲。兮。究。年。歲。而。

不敢忘。

美人賦

司馬相如美麗閑都。遊於梁王。梁王說之。鄒陽
譖之於王曰。相如美則美矣。然服色容冶。妖麗
不忠。將欲媚辭取悅。遊王後宮。王不察之乎。王
問相如曰。子好色乎。相如曰。臣不好色也。王曰。
子不好色。何若孔墨乎。相如曰。古之避色。孔墨
之徒。聞齊饋女而遐逝。望朝歌而迴車。譬猶防
火水中。避溺山隅。此乃未見其可欲。何以明不。

好色乎。若臣者。少長西土。鰥處獨居。室宇遼廓。莫與爲娛。臣之東隣。有一女子。雲髮豐艷。蛾眉皓齒。顏盛色茂。景曜光起。恒翹翹而西顧。欲畱臣而共止。登垣而望。臣三年於茲矣。臣棄而不許。竊慕大王之高義。命駕東來。途出鄭衛。道由桑中。朝發溱洧。暮宿上宮。上宮閒館。寂寞雲虛。門閤晝掩。曖若神居。臣排其戶。而造其堂。芳香芬烈。黼帳高張。有女獨處。婉然在牀。奇葩逸麗。淑質艷光。覩臣遷延。微笑而言曰。上客何國之


公子所從來無乃遠乎。遂設旨酒。進鳴琴。臣遂
撫絃爲幽蘭白雪之曲。女乃歌曰。獨處室兮廓
無依。思佳人兮情傷悲。有美人兮來何遲。日旣
暮兮華色衰。敢託身兮長自私。玉釵挂臣冠。羅
袖拂臣衣。時日西夕。玄陰晦冥。流風慘冽。素雪
飄零。閑房寂謐。不聞人聲。於是寢具旣設。服玩
珍奇。金鉏薰香。黼帳低垂。裯褥重陳。角枕橫施。
女乃弛其上服。表其褻衣。皓體呈露。弱骨豐肌。
時來親臣。柔滑如脂。臣乃脉定於內心。正於懷。

信○誓○旦○旦○秉○志○不○回○翻○然○高○舉○與○彼○長○辭○

哀二世賦

登陂陲之長阪兮。全入曾宮之嵯峨。臨曲江之
隍州兮。望南山之參差。巖巖深山之窪窪兮。通
谷谿乎。衿衿汨滅。喻習以永逝兮。注平臯之廣
衍。觀衆樹之蓊蔓兮。覽竹林之榛榛。東馳土山
兮。北揭石瀨。弭節客與兮。歷弔二世。持身不謹
兮。亡國失勢。信謹不寤兮。宗廟滅絕。嗚呼哀哉。
操行之不得兮。墓蕪穢而不修兮。魂亡歸而不

食、曼邈絕而不齊兮、彌久遠而愈休、精固闕而
飛揚兮、拾九天而永逝、嗚呼哀哉、



三才圖會

書

諫獵書

臣聞物有同類而殊能者。故力稱烏獲。捷言慶
忌。勇期賁育。臣之愚竊以爲人誠有之。獸亦宜
然。今陛下好陵阻險。射猛獸。卒然遇軼材之獸。
駭不存之地。犯屬車之清塵。與不及還轅。人不
暇施巧。雖有烏獲逢蒙之伎。力不得用。枯木朽
株。盡爲害矣。是胡越起於轂下。而羗夷接軫也。
豈不殆哉。雖萬全無患。然本非天子之所宜近。

也。且夫清道而後行。中路而後馳。猶時有銜檠
之變。而况陟乎蓬蒿。馳乎邱墳。前有利獸之樂。
而內無存變之意。其爲禍也。不亦難矣。夫輕萬
乘之重。不以爲安。而樂出於萬有一危之塗。以
爲娛。臣竊爲陛下不取也。蓋明者遠見於未萌。
而智者避危於未形。禍固多藏於隱微。而發於
人之所忽者也。故鄙諺曰。家累千金。坐不垂堂。
此言雖小。可以喻大。臣願陛下之畱意幸察。

妙在轉折疎勁

報卓文君書

五味雖甘。甯先稻黍。五色有燦。而不掩韋布。惟
此綠衣。將執子之筮。錦水有鴛。漢宮有木。誦子
嘉吟。而回予故步。當不令負丹青。感白頭也。

全

全

全

全

全

檄

諭巴蜀父老檄

告巴蜀太宰蠻夷自擅不討之日久矣時侵犯
邊境勞士大夫陛下卽位存撫天下輯安中國
然後興師出兵北征匈奴單于怖駭交臂受事
屈膝請和康居西域重譯納貢稽首來享移師
東指閩越相誅右弔番禺太子入朝南夷之君
西僊之長常效貢職不敢怠惰延頸舉踵喁喁
然皆鄉風慕義欲爲臣妾道里遼遠山川阻深

不能自致。夫不順者已誅。而爲善者未賞。故遣中。卽將往賓之。發巴蜀之士。各五百人。以奉幣衛使者。不然。靡有兵革之事。戰鬪之患。今聞其乃發軍興制。驚懼子弟。憂患長老。郡又擅爲轉粟運輸。皆非陛下之意也。當行者或亡逃。自賊殺。亦非人臣之節也。夫邊郡之士。聞烽舉燧燔。皆攝弓而馳。荷兵而走。流汗相屬。惟恐居後。觸白刃。冒流矢。議不反顧。計不旋踵。人懷怒心。如報私讐。彼豈樂死惡生。非編列之民。而與巴蜀。

異主哉。計深慮遠。急國家之難。而樂盡人臣之道也。故有剖符之封。析圭而爵。位爲通侯。居列東第。終則遺顯號於後世。傳土地於子孫。行事甚忠敬。居位甚安佚。名聲施於無窮。功烈著而不滅。是以賢人君子。肝腦塗中原。膏液潤野草。而不辭也。今奉幣役至南夷。卽自賊殺。或亡逃抵誅。身死無名。謚爲至愚。恥及父母。爲天下笑。人之度量相越。豈不遠哉。然此非獨行者之罪也。父兄之教不先。子弟之率不謹也。寡廉鮮恥。

而俗不長厚也。其被刑戮不亦宜乎。陛下患使
者有司之若彼。悼不肖愚民之如此。故遣信使
曉諭百姓。以發卒之事。因數之以不忠死亡之
罪。讓三老孝弟。以不教誨之過。方今田時。重煩
百姓。已親見近縣。恐遠所谿谷山澤之民不徧
聞。檄到亟下縣道。使咸知陛下之意。唯毋忽也。

難

難蜀父老文

漢興七十有八載、德茂存乎六世、威武紛紜、湛
恩汪穢、羣生澍濡、洋溢乎方外、於是乃命使西
征、隨流而攘、風之所被、罔不披靡、因朝冉從、馳
定笮存、叩畧斯掄、舉苞蒲、結軌還轅、東鄉將報
至於蜀都、耆老大夫、縉紳先生之徒、二十有七
人、儼然造焉、辭畢、進曰、蓋聞天子之於夷狄也、
其義羈靡、勿絕而已、今罷三郡之士、通夜郎之

塗三年於茲。而功不竟。士卒勞倦。萬民不贍。今
又接之以西夷。百姓力屈。恐不能卒業。此亦使
者之累也。竊爲左右患之。且夫邛笮西襲之與
中國並也。歷年茲多。不可記已。仁者不以德來
強者不以力并。意者其殆不可乎。今割齊民以
附夷狄。弊所恃以事。無用鄙人固陋。不識所謂
使者曰。烏謂此乎。必若所云。則是蜀不變服而
巴不化俗也。僕尚惡聞若說。然斯事體大。固非
觀者之所覲也。余之行急。其詳不可得聞。已請

爲大夫粗陳其畧。蓋世必有非常之人。然後有非常之事。有非常之事。然後有非常之功。非常者。固常人之所異也。故曰非常之原。黎民懼焉。及臻厥成。天下晏如也。昔者洪水沸出。汜濫衍溢。民人升降移徙。崎嶇而不安。夏后氏感之。乃堙洪塞源。決江疏河。灑沈澹菑。東歸之於海。而天下永甯。當斯之勤。豈惟民哉。心煩於慮。而身親其勞。躬餒胝無胈。膚不生毛。故休烈顯乎無窮。聲稱浹乎干茲。且夫賢君之踐位也。豈特

委瑣喔蹠拘文牽俗循誦習傳當世取說云爾
哉必將崇論閎議創業垂統爲萬世規故馳騫
乎兼容并包而勤思乎參天貳地且詩不云乎
普天之下莫非王土率土之濱莫非王臣是以
六合之內八方之外浸濤衍溢懷生之物有不
浸潤於澤者賢君恥之今封疆之內冠帶之倫
咸獲嘉祉靡有闕遺矣而夷狄殊俗之國遼絕
異黨之域舟車不通人跡罕至政教未加流風
猶微內之則犯義侵禮於邊境外之則邪行橫

作○放○殺○其○上○君○臣○易○位○尊○卑○失○序○父○兄○不○辜○幼
孤○爲○奴○虜○係○縲○號○泣○內○鄉○而○怨○曰○蓋○聞○中○國○有
至○仁○焉○德○洋○恩○普○物○靡○不○得○其○所○今○獨○曷○爲○遺
已○舉○踵○思○慕○若○枯○旱○之○望○雨○盤○夫○爲○之○垂○涕○况
乎○上○聖○又○烏○能○已○故○北○出○師○以○討○強○胡○南○馳○使
以○誚○勁○越○四○面○風○德○二○方○之○君○鱗○集○仰○流○願○得
受○號○者○以○億○計○故○乃○關○沫○若○微○特○犗○鏤○靈○山○梁
孫○原○創○道○德○之○塗○垂○仁○義○之○統○將○博○恩○廣○施○遠
撫○長○駕○使○疏○逖○不○閉○習○爽○闇○昧○得○耀○乎○光○明○以

偃甲兵於此而息討伐於彼遐邇一體中外禔
福不亦康乎夫拯民於沈溺奉至尊之休德反
衰世之陵夷繼周氏之絕業天子之急務也百
姓雖勞又烏可以已哉且夫王者固未有不始
於憂勤而終於佚樂者也然則受命之符合在
於此方將增太山之封加梁父之事鳴和鸞揚
樂頌上咸五下登三觀者未覩指聽者未聞音
猶鵠鵬已翔乎寥廓而羅者猶視乎藪澤悲夫
於是諸大夫茫然喪其所懷來而失厥所以進

喟然並稱曰、允哉漢德、此鄙人之所願聞也、百姓雖勞、請以身先之、敝罔靡徙、遷延而辭退、

[illegible]

后稷創業於唐。公劉發迹於西戎。文王改制。爰
周邳隆。大行越成。而後陵夷衰微。千載無聲。豈
不善始善終哉。然無異端慎所由於前。謹遺教
於後耳。故軌迹夷易。遵也。湛恩濛涌。易豐也。
憲度著明。易則也。垂統理順。易繼也。是以業隆
於繼繼。而崇冠於二后。揆厥所元。終都攸卒。未
有殊尤絕迹可考於今者也。然猶躡梁父。登泰
山。建顯號。施尊名。大漢之德。幾涌原泉。沕涵漫
衍。旁魄四塞。雲布霧散。上暢九垓。下泝八埏。懷

生之類霑濡浸潤。協氣橫流。武節飄逝。邇陞游
原。迥濶泳沫。首惡湮沒。闇昧昭哲。昆蟲凱澤。回
首面內。然後囿騶虞之珍羣。徼麋鹿之怪獸。導
一莖六穗於庖犧。雙觥共抵之獸。獲周餘珍。放
龜於岐。招翠黃乘龍於沼。鬼神接靈圉。賓於閒
館。奇物譎詭。倂儻窮變。欽哉符瑞。臻茲猶以爲
薄。不敢道封禪。蓋周躍魚。隕航休之。以燎微夫。
斯之爲符也。以登介邱。不亦惡乎。進讓之道。其
何爽與。於是大司馬進曰。陛下仁育羣生。義征

不○慙○諸○夏○樂○貢○百○蠻○執○贄○德○侔○往○初○功○無○與○二○
休○烈○浹○洽○符○瑞○衆○變○期○應○紹○至○不○特○創○見○意○者○
泰○山○梁○父○設○壇○塲○望○幸○蓋○號○以○況○榮○上○帝○垂○恩○
儲○祉○將○以○薦○成○陛○下○謙○讓○而○弗○發○也○挈○三○神○之○
驪○缺○王○道○之○儀○羣○生○忍○焉○或○謂○且○天○爲○質○闇○示○
珍○符○固○不○可○辭○若○然○辭○之○是○泰○山○靡○記○而○梁○父○
靡○幾○也○亦○各○並○時○而○榮○咸○濟○厥○世○而○屈○說○者○尚○
何○稱○於○後○而○云○七○十○二○君○乎○夫○修○德○以○錫○符○奉○
符○以○行○事○不○爲○進○越○故○聖○人○弗○替○而○修○禮○地○祇○

謁欵天神。勒功中嶽。以彰至尊。舒盛德。發榮號。
受厚福。以浸黎民也。皇皇哉。斯事天下之壯觀。
王者之丕業。不可貶也。願陛下全之。而後因雜。
薦紳先生之畧術。使獲耀日月之末光。絕炎以。
展采錯事。猶兼正列其義。被飭厥文。作春秋一。
藝。將襲舊六爲七。攄之無窮。俾萬世得激清流。
揚微波。蜚英聲。騰茂實。前聖之所以永保鴻名。
而常爲稱首者。用此。宜命掌故。悉奏其義。而覽。
焉。於是天子沛然改容曰。愉乎。朕其試哉。乃遷。

思回慮。總公卿之議。詢封禪之事。詩大澤之博。廣符瑞之富。乃作頌曰。自我天覆。雲之油油。甘露時雨。厥壤可遊。滋液滲漉。何生不育。嘉穀六穗。我穡曷蓄。非唯雨之。又潤澤之。非唯濡之。汜專濩之。萬物熙熙。懷而慕思。名山顯位。望君之來。君乎君乎。侯不邁哉。般般之獸。樂我君囿。白質黑章。其儀可嘉。眈眈睦睦。君子之能。蓋聞其聲。今觀其來。厥塗靡蹤。天瑞之徵。茲亦於舜。虞氏以興。濯濯之麟。遊彼靈時。孟冬十月。君徂郊。

祀。馳我君與帝以享祉。三代之前。蓋未嘗有。宛
宛黃龍。興德而升。采色炫耀。煥炳輝煌。正陽顯
見。覺寤黎烝。於傳載之。云受命所乘。厥之有章。
不必諄諄。依類託寓。諭以封巒。披藝觀之。天人
之際。已交。上下相發。允答聖王之德。兢兢翼翼。
也。故曰興必慮衰。安必思危。是以湯武至尊嚴。
不失肅祇。舜在假典。顧省厥遺。此之謂也。

傳

自叙傳

司馬相如者蜀郡成都人也字長卿少時好讀書學擊劍故其親名之曰犬子相如既學慕藺相如之爲人更名相如以貲爲郎事孝景帝爲武騎常侍非其好也會景帝不好辭賦是時梁孝王來朝從遊說之士齊人鄒陽淮陰枚乘吳莊忌夫子之徒相如見而說之因病免客遊梁梁孝王令與諸生同舍相如得與諸生遊士居

數歲乃著子虛之賦、會梁孝王、相如歸而家
貧、無以自業、素與臨邛令王吉相善、吉曰、長卿
久宦遊、不遂而來過我、於是相如往舍都亭、臨
邛令繆爲恭敬、日往朝相、如相初尚見之、後
稱病使從者謝吉、吉愈益謹肅、臨邛中多富人、
而卓王孫家僮八百人、程鄭亦數百人、二人乃
相謂曰、令有貴客、爲具召之、并召令、令旣至、卓
氏客以百數、至日中、謁司馬長卿、長卿謝病不
能往、臨邛令不敢嘗食、自往迎相、如相不得

已。疆。往。一。坐。盡。傾。酒。酣。臨。邛。令。前。奏。琴。曰。竊。聞。
長。卿。好。之。願。以。自。娛。相。如。辭。謝。爲。鼓。一。再。行。是。
時。卓。王。孫。有。女。文。君。新。寡。好。音。故。相。如。繆。與。令。
相。重。而。以。琴。心。挑。之。相。如。之。臨。邛。從。車。騎。雍。容。
閒。雅。甚。都。及。飲。卓。氏。弄。琴。文。君。竊。從。戶。窺。之。心。
說。而。好。之。恐。不。得。當。也。旣。罷。相。如。乃。使。人。重。賜。
文。君。侍。者。通。殷。勤。文。君。夜。亡。犇。相。如。相。如。乃。與。
馳。歸。家。居。徒。四。壁。立。卓。王。孫。大。怒。曰。女。至。不。材。
我。不。忍。殺。不。分。一。錢。也。人。或。謂。王。孫。王。孫。終。不。

聽文君久之。不樂曰。長卿第俱如臨邛。從昆弟
假貸。猶足爲生。何至自苦如此。相如與俱之臨
邛。盡賣其車騎。買一酒舍。酤酒。而令文君當鑪。
相如身自著犢鼻禪。與保庸雜作滌器於市中。
卓王孫聞而耻之。爲杜門不出。昆弟諸公更謂
王孫曰。有一男兩女。所不足者。非財也。今文君
已失身於司馬長卿。長卿故倦遊。雖貧。其人材
足依也。且又令客獨奈何相辱如此。卓王孫不
得已。分子文君僮百人。錢百萬。及其嫁時衣被。

財物。文君乃與相如歸成都。買田宅爲富人居。久之。蜀人楊得意爲狗監。侍上。上讀子虛賦而善之。曰。朕獨不得與此人同時哉。得意曰。臣邑人司馬相如。自言爲此賦。上驚。乃召問相如。如曰。有是然。此乃諸侯之事。未足觀也。請爲天子遊獵賦。賦成奏之。上許。令尚書給筆札。相如以子虛虛言也。爲楚稱。烏有先生者。烏有此事也。爲齊難。無是公者。無是人也。明天子之義。故空藉此三人爲辭。以推天子諸侯之苑囿。其卒

章歸之於節儉。因以風諫。奏之天子。天子大詔。賦奏。天子以爲郎。無是公言。天子上林廣大。山谷水泉萬物。及子虛言。楚雲夢所有甚衆。侈靡過其寔。且非義理所尚。故刪取其要。歸正道而論之。相如爲郎數歲。會唐蒙使畧通夜郎。西轅中。發巴蜀吏卒千人。郡又多爲發。轉漕萬餘人。用興法。誅其渠帥。巴蜀民大驚恐。上聞之。乃使相如責唐蒙。因喻告巴蜀民。以非上意。相如還報。唐蒙已畧通夜郎。因通西南夷道。發巴蜀廣

漢卒作者數萬人治道二歲道不成士卒多物
故費以巨萬計蜀民及漢用事者多言其不便
是時邛笮之君長聞南夷與漢通得賞賜多多
欲願爲內臣妾請吏比南夷天子問相如相如
曰邛笮冉駹者近蜀道亦易通秦時嘗通爲郡
縣至漢興而罷今誠復通爲置郡縣愈於南夷
天子以爲然乃拜相如爲中郎將建節往使副
使王然于壺充國呂越人馳四乘之傳因巴蜀
吏幣物以賂西夷至蜀蜀太守以下郊迎縣令

負弩矢先驅。蜀人以為寵。於是卓王孫臨邛諸公皆因門下獻牛酒以交驩。卓王孫喟然而歎。自以得使女尚司馬長卿。晚而厚分。與其女財。與男等同。司馬長卿便畧定西夷。邛笮冉駹斯榆之君皆請為內臣。除邊關。關益斥。西至沫若水。南至牂牁。為徼。通零關道。橋孫水。以通邛都。還報天子。天子大說。相如使時。蜀長老多言通西南夷。不為用。唯大臣亦以為然。相如欲諫。業已建之。不敢。乃著書籍。以蜀父老為辭。而已。詰


難之。以風天子。且因宣其使指。令百姓知天子之意。其後人有上書言相如使時受金失官。居歲餘復召爲郎。相如口吃而善著書。常有消渴疾。與卓氏婚。饒於財。其進仕宦。未嘗肯與公卿國家之事。稱病閒居。不慕官爵。嘗從上至長楊獵。是時天子方好自擊熊羆。馳逐野獸。相如上疏以諫。上善之。還過宜春宮。相如奏賦以哀二世行失也。拜爲孝文園令。天子旣美子虛之事。相如見上好僊道。因曰。上林之事未足美也。尚

有靡者臣嘗爲大人賦未就請具而奏之相如
以爲列仙之傳居山澤間形容甚臞此非帝王
之僊意也乃遂就大人賦天子大說飄飄有凌
雲之氣似遊天地之間意相如旣病免家居茂
陵

闕

劉子元史通云馬卿爲自傳具在其集中子
長錄爲列傳班氏仍舊曾無改尋固於馬揚
傳末皆云遷雄自叙至相如篇下獨無此言
蓋止憑太史之書未見文園之集耳余謂此
傳果馬卿自作安得有相如已歿天子遣所
忠索書又安知沒後數歲上始祭后土及禮
中岳事乎然則自叙傳應至相如旣病免家
居茂陵爲止此後別有結束惜今不傳而天

予曰以下還是大史公補足之近世學士
謂相如集傳乃校集者取子長所作附之
非其自筆然史通序傳一章詳言作者自叙
基子騷經降及相如始以自叙爲傳史通之
意直以後人序傳皆作祖于相如斷非影響
而俗儒多以亡奔滌器等事胡不少諱以此
爲非馬卿筆不知馬卿正自述慢世一段光
景委曲周至他人不能代之寫照阿堵中也
又按南史云古之名人相如孟堅子長皆自
叙風流傳芳末世則言此文之出相如手非
一人矣



歌

琴歌二首

鳳兮鳳兮歸故鄉。遨游四海求其凰。時未遇兮。
無所將。何悟今夕兮。升斯堂。有艷淑女在閨房。
室邇人遐。毒我腸。何緣交頸爲鴛鴦。胡頔頔兮。
其翱翔。

又

鳳兮鳳兮從我棲。得託孳尾求爲妃。交情通體。
心和諧。中夜相從知者誰。雙翼俱起翻高飛。無

感我思使余悲

并賦青華堂詩

予自鳳兮歸燕後其年秋末於別交會

五

壯觀微

聖人聖壽壽期所無交際無然則則無

應而散時即今又令代漢而齊繼文奇聞

風令福以曉慈德四時來其風保才思

琴如三首

九

本傳

相如旣病免家居茂陵。天子曰：「司馬相如病甚，可往從悉取其書。若不然，後失之矣。」使所忠往，而相如已死，家無書。問其妻，對曰：「長卿固未嘗有書也。時時著書，人又取去，卽空居。」長卿未死時，爲一卷書曰：「有使者來求書，奏之，無他書。」其遺札書言封禪事，奏所忠。忠奏其書，天子異之。司馬相如旣卒，五歲，天子始祭后土。八年而遂先禮中嶽，封于太山，至梁父，禪肅然。相如他所

著若遺平陵侯書與五公子相難草木書篇不采采其尤著公卿者云

太史公曰春秋推見至隱易本隱之以顯大雅言王公大人而德逮黎庶小雅譏小已之得失其流及上所以言雖外殊其合德一也相如雖多虛辭濫說然其要歸引之節儉此與詩之風諫何異余采其語可論者著于篇

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5